



BOSNA I HERCEGOVINA
VIJEĆE MINISTARA
Generalno tajništvo

Broj: 05-50-3192/09
Sarajevo, 6.11.2009. godine

13. 11. 2009.
01-50-1-15-61/09

PARLAMENTARNA SKUPŠTINA
BOSNE I HERCEGOVINE

- Zastupnički dom -

SARAJEVO


PREDMET: Odgovor na zastupničko pitanje – dostavlja se

Vijeće ministara Bosne i Hercegovine, na 104. sjednici održanoj 12.11.2009. godine, utvrdilo je Odgovor na zastupničko pitanje koje je Husein Nanić, zastupnik u Zastupničkom domu Parlamentarne skupštine Bosne i Hercegovine, postavio na 61. sjednici ovog doma održanoj 30.9.2009. godine.

U pritviku dostavljamo Odgovor uz molbu da isti uručite zastupniku.

S poštovanjem,

GENERALNI TAJNIK
Zvonimir Kutleša





**BOSNA I HERCEGOVINA
VIJEĆE MINISTARA**

Broj: 05-50-3192/09

Sarajevo, 12.11.2009. godine

Husein Nanić, zastupnik u Zastupničkom domu Parlamentarne skupštine Bosne i Hercegovine, tokom 61.sjednice Zastupničkog doma održane 30.septembra 2009.godine, predsjedavajućem Vijeća ministara Bosne i Hercegovine postavio je sljedeće pitanje:

„Da li je Vijeće ministara BiH pripremlilo informaciju o spremnosti institucija BiH za preuzimanje obaveza u vezi sa primjenom SSP-a i kada će je dostaviti u parlamentarnu proceduru?“

Na postavljeno pitanje, Vijeće ministara Bosne i Hercegovine je na 104. sjednici, održanoj 12. 11. 2009.godine, utvrdilo sljedeći

ODGOVOR

Sporazum o stabilizaciji i pridruživanju (SSP) između Evropske unije (EU) i Bosne i Hercegovine (BiH) potpisan je 16. juna 2008. godine u Luksemburgu. Privremeni sporazum o trgovini i trgovinskim pitanjima stupio je na snagu 1. jula 2008. godine i primjenjivaće se do okončanja procedure ratifikacije SSP. Predsjedništvo BiH je 4. juna 2008. godine, na prijedlog Vijeća ministara BiH, donijelo Odluku o prihvatanju SSP-a između evropskih zajednica i njihovih država članica i BiH koja je omogućila stupanje na snagu, odnosno početak primjene Privremenog sporazuma od 1. jula 2008. godine. Predsjedništvo BiH je na svojoj 47. sjednici donijelo Odluku o ratifikaciji SSP-a, a Evropski parlament u Strazburgu je, 23. oktobra 2008. godine, usvojio Rezoluciju o BiH, kojom između ostalog poziva članice EU da ratificiraju SSP sa BiH. SSP će stupiti na snagu nakon okončanja postupka ratifikacije u stranama sporazuma, odnosno prvog dana drugog mjeseca nakon deponiranja i posljednjeg instrumenta ratifikacije ili odobrenja. Ratifikacija SSP-a odvija se zadovoljavajućom dinamikom, do sada je 14 zemalja notificiralo Generalni sekretarijat Vijeća EU da je završilo postupak ratifikacije.

Potpisivanje SSP-a i stupanje na snagu Privremenog sporazuma 1. jula 2008. godine predstavlja ključni elementi za BiH na njenom putu ka evropskim integracijama. Cilj SSP-a je, između ostalog, uspostavljanje odgovarajućeg okvira za politički dijalog između BiH i EU, kao i doprinos političkoj, ekonomskoj i institucionalnoj stabilnosti u BiH i regionu. Oblasti i obaveze obuhvaćene SSP-om su približavanje zakonodavstva BiH zakonodavstvu EU, liberalizacija trgovine, stvaranje funkcionalne tržišne ekonomije u BiH, te podrška Evropske komisije (EK) u procesu reformi i regionalne saradnje. Privremeni sporazum osigurava sveobuhvatnu liberalizaciju trgovine na obje strane, iako je još 2000. godine, liberalizacija na strani EU uvedena putem autonomnih trgovinskih mjera koje su sada uključene u Privremeni sporazum kako bi ovaj trend liberalizacije bio nastavljen. Progresivna liberalizacija je na strani BiH započela 1. jula 2008. godine i trajaće narednih 5 godina. Osim navedenog,

stupanje na snagu i provođenje Privremenog sporazuma trebalo bi dati snažan podsticaj oživljavanju ekonomske aktivnosti i razvoju zemlje.

Instrumenti za planiranje

Dobri rezultati u provedbi SSP-a, kao i napredak u odnosu na prioritete iz Evropskog partnerstva, preduslov su za dalje napredovanje u procesu evropskih integracija. U tom smislu, kvalitetni instrumenti za planiranje obaveza, te postojanje struktura i administrativnog kapaciteta za njihovu provedbu, ključni su za ispravnu i pravovremenu provedbu svih obaveza.

Zaključkom Vijeća ministara BiH¹, DEI je zadužena da izradi Akcioni plan za sprovođenje obaveza iz Privremenog sporazuma i SSP-a. Ovaj je dokument izrađen i usvojen², te distribuiran svim institucijama na državnoj i entitetskim razinama, koje su ga, u skladu sa zaključkom Savjeta ministara BiH, trebale ažurirati kvartalno, a po potrebi i češće.

U namjeri da se izradi dokument koji će omogućiti praćenje provedbe Privremenog sporazuma/SSP-a i poslužiti kao instrument za detaljnije planiranje budućih obaveza, izrađen je dokument *Razrada Akcionog plana za provedbu Privremenog sporazuma/SSP-a*³. Ideja je bila da dokument svojom strukturom slijedi prethodno usvojeni Akcioni plan, te da se u njemu objedine sve obaveze koje proizilaze iz Privremenog sporazuma/SSP-a, kako bi se institucijama omogućilo da u zadatim rokovima detaljnije planiraju aktivnosti koje trebaju realizirati da bi ispunile obaveze po Privremenom sporazumu. U tom smislu, dokument *Razrada Akcionog plana za provedbu Privremenog sporazuma/SSP-a* obuhvata sve obaveze po Privremenom sporazumu koje se odnose na period 01.07.2008. – 31.12.2009. godine tj. čiji je rok za provedbu u tom vremenskom intervalu. Osim toga, u dokumentu su sadržani opći principi, te obaveza koja proizlazi iz Člana 70. SSP-a, a odnosi se na usklađivanje zakonodavstva i kao takva predstavlja jedinu obavezu koja je stupila na snagu danom potpisivanja SSP-a. Bitno je napomenuti kako je Vijeće ministara usvojilo Program prioriteta usklađivanja u zakonodavnim aktivnostima za provedbu Evropskog partnerstva i Privremenog sporazuma.⁴ Istovremeno su zaduženi predlagatelji pravnih propisa- Direkcija za evropske integracije, Ured za zakonodavstvo Vijeća ministara i Generalni sekretarijat Vijeća ministara da izrade proceduru označavanja pravnih propisa oznakom „E“ u smislu prioriteta definiranih Programom. Direkcija za evropske integracije organizirala je sastanak nadležnih institucija⁵ i informaciju i zaključke uputila Vijeću ministara na razmatranje i usvajanje.

Vežano za praćenje realizacije obaveza, u skladu sa zaključcima Vijeća ministara BiH, do sada su izrađena dva izvještaja o provedbi obaveza koje proizlaze iz Privremenog sporazuma/SSP-a⁶. Izvještaji daju uvid u trendove, u smislu tempa ispunjavanja obaveza, te kašnjenja u provedbi, bilo da se radi o oblastima ili o institucijama zaduženim za njihovu provedbu.

¹ sa druge tematske sjednice, održane 3. jula 2008. godine

² na 57. sjednici Savjeta ministara BiH, održanoj 29.07.2008. godine

³ usvojen na 79. sjednici Vijeća ministara BiH, održanoj 05.03.2009. godine

⁴ Na 10.tematskoj sjednici Vijeća ministara održanoj 21.7.2009. godine

⁵ 14.oktobra 2009. godine

⁶ Izvještaj o stanju provođenja obaveza iz Privremenog sporazuma i SSP-a, za period od 01.07.2008. godine do 31.12.2008. godine, usvojen je na 79. sjednici Vijeća ministara BiH, održanoj 05.03.2009. godine a Izvještaj o stanju provođenja obaveza iz Privremenog sporazuma i SSP-a, za period od 01.01 2009. godine do 30.06 2009. godine, usvojen je na 10.tematskoj sjednici Vijeća ministara BiH 21.7.2009.godine

Na osnovu informacija o stanju realizacije obaveza predviđenih za period od početka primjene Privremenog sporazuma do 30.06.2009. godine, koje su DEI dostavljale nadležne institucije, može se zaključiti da je većina obaveza realizirana u predviđenom roku. Liberalizacija predviđena Privremenim sporazumom u 2008. i 2009. godini je u potpunosti na snazi, ostale mjere se također provode, a poteškoća je bila uočena kod ukidanja Odluke o zabrani uvoza motornih vozila starijih od sedam godina u BiH, što je navedeno kao mjera za realizaciju Člana 6[4] Privremenog sporazuma/Člana 21 SSP-a („Količinska ograničenja na uvoz industrijskih proizvoda porijeklom iz Zajednice u Bosnu i Hercegovinu i mjere jednakog učinka bit će ukinute danom stupanja na snagu Privremenog sporazuma“).

U Izvještaju o napretku BiH u 2009. godini koji je Evropska komisija objavila 14. oktobra 2009. godine navedeno je :“ Provedba Privremenog sporazuma (PS) u prvoj godini je uopšte gledano zadovoljavajuća, ali je neophodno pojačati napore kako bi se pripremiło za naredne obaveze iz PS/SSP-a, što je ključni prioritet Evropskog partnerstva.“⁷

Koordinacijska struktura za provedbu SSP-a

U kontekstu spremnosti institucija BiH za provedbu obaveza koje proizlaze iz Privremenog sporazuma/SSP-a, važno je napomenuti da je odredbama SSP-a predviđeno uspostavljanje zajedničkih tijela BiH i EK:

1. Vijeće za stabilizaciju i pridruživanje,
2. Parlamentarni odbor za stabilizaciju i pridruživanje,
3. Odbor za stabilizaciju i pridruživanje,
4. 7 pododbora za stabilizaciju i pridruživanje.

Odredbama Privremenog sporazuma predviđeno je uspostavljanje Privremenog odbora za stabilizaciju i pridruživanje i 5 privremenih pododbora (1. pododbor za transport, energiju, okoliš i regionalni razvoj; 2. pododbor za trgovinu, industriju, carine, poreze i saradnju sa drugim zemljama kandidatima; 3. pododbor za poljoprivredu i ribarstvo; 4. pododbor za unutrašnje tržište i konkurenciju; 5. pododbor za ekonomska i fiskalna pitanja i statistiku).

Vijeće ministara BiH je na 4.tematskoj sjednici posvećenoj evropskim integracijama usvojilo Odluku o uspostavljanju *Komisije za evropske integracije u sastavu Privremenog odbora za stabilizaciju i pridruživanje*.⁸ Nakon toga, Vijeće ministara BiH⁹ je usvojilo *Odluku o uspostavljanju radnih grupa za evropske integracije*. Odlukom se uspostavlja sedam radnih grupa koje će u ime institucija u BiH djelovati u sastavu pododbora za stabilizaciju i pridruživanje, kao i u radu tijela za praćenje procesa reformi u BiH (RPM). U radne grupe imenovane su osobe iz nadležnih ministarstava i institucija sa državne i entitetske razine te razine Brčko Distrikta BiH.

⁷ Izvještaj o napretku BiH u 2009. godini, Radni dokument osoblja Evropska komisije, prijevod Direkcije za evropske integracije, str.3

⁸ 4. tematska sjednica Vijeća ministara posvećena evropskim integracijama održana je 6.10.2008. godine.

⁹ na 82. sjednici, održanoj 2. aprila 2009. godine

Prvi sastanak Privremenog odbora održan je 7. oktobra 2008. godine. Tada je, između ostalog, usvojen *Poslovnik o radu Privremenog odbora i raspored sastanaka pododbora*. Zapisnik sa prvog sastanka Privremenog odbora, usaglašen između BiH i Evropske komisije, dostavljen je Vijeću ministara 11. januara 2009. godine. Sastanci svih pododbora održani su prema predviđenoj dinamici u prvoj polovini 2009. godine.

Ove godine Privremenim odborom predsjedava Evropska komisija. Predsjedavajući u ime Evropske komisije, direktor jedinice za zapadni Balkan pri Generalnom direktoratu Evropske komisije za proširenje, gospodin Piere Mirel, uputio je Direkciji za evropske integracije 13. oktobra prijedlog vezan za sazivanje drugog sastanka Privremenog odbora. Predložio je da ovaj sastanak bude održan u Sarajevu 16. i 17. novembra, te dnevni red. Radi što kvalitetnije pripreme za drugi sastanak Privremenog odbora, gospođa Nevenka Savić, direktor Direkcije za evropske integracije, 15. oktobra održala je pripremni sastanak na kojem je razmotren predloženi dnevni red i mogući sastav delegacije BiH. Zaključeno je da je predloženi dnevni red prihvatljiv za BiH te dogovoreno da delegaciju BiH čine svi članovi Komisije za evropske integracije u sastavu Privremenog odbora te stručnjaci koji će izlagati prema temama dnevnog reda.

Direkcija za evropske integracije pripremila je Informaciju o održavanju drugog sastanka Privremenog odbora koju je Vijeće ministara usvojilo na 102. sjednici.¹⁰ Vijeće ministara dalo je saglasnost na predloženi dnevni red i sastav delegacije BiH na drugom sastanku Privremenog odbora. Zadužena je Direkcija za evropske integracije da pripremi Materijal za diskusiju na drugom sastanku Privremenog odbora i dostavi ga Vijeću ministara na razmatranje i usvajanje najkasnije do 26. oktobra 2009. godine, te da poduzme sve potrebne aktivnosti na organizaciji sastanka Privremenog odbora.

Na istoj sjednici Vijeće ministara je usvojilo i Informaciju Direkcije za evropske integracije o nalazima i preporukama sadržanim u Izvještaju Evropske komisije o napretku BiH u 2009. godini i dokumentu „Strategija proširenja i ključni izazovi 2009-2010. godine“. Zadužena su ministarstva i drugi organi uprave da u svoje planove rada za 2010. godinu unesu aktivnosti putem kojih će prevazići nedostatke navedene u Izvještaju o napretku BiH u 2009. godini i Strategiji proširenja. Posebno je bitan zaključak Vijeća ministara prema kojem je zadužena Direkcija za evropske integracije da sačini analizu ukupnog napretka evropskih integracija u periodu 2005-2009. godine. Analiza treba da obuhvati: kumulativne ocjene napretka po poglavljima iz izvještaja Evropske komisije, budžetska sredstva institucija BiH i potrošena sredstva finansijske pomoći Evropske unije, zakonodavnu i prevodilačku aktivnost institucija i razvoj ljudskih resursa institucija (treninzi i edukacija) potrebnih za proces evropskih integracija.

Upravo ovaj dokument koji će pripremiti Direkcija za evropske integracije ponudiće argumente za precizniji odgovor na pitanje o spremnosti institucija BiH za preuzimanje obaveza iz Sporazuma o stabilizaciji i pridruživanju.

¹⁰ 102. sjednica Vijeća ministara održana je 22.10.2009. godine



BOSNA I HERCEGOVINA
VIJEĆE MINISTARA
Generalno tajništvo

Broj: 02-50-3181/09
Sarajevo, 3.12.2009. godine

BOSNA I HERCEGOVINA
PARLAMENTARNA SKUPŠTINA BOSNE I HERCEGOVINE
SARAJEVO

PRIMLJENO: 04-12-2009			
Organizaciona jedinica	Klasifikaciona oznaka	Redni broj	Broj priloga
01-50-1-15-61/09			

PARLAMENTARNA SKUPŠTINA
BOSNE I HERCEGOVINE

- Zastupnički dom -

SARAJEVO

PREDMET: Odgovor na zastupničko pitanje – dostavlja se

Vijeće ministara Bosne i Hercegovine, na 106. sjednici održanoj 3.12.2009. godine, utvrdilo je Odgovor na zastupničko pitanje koje je Husein Nanić, zastupnik u Zastupničkom domu Parlamentarne skupštine Bosne i Hercegovine, postavio na 61. sjednici ovog doma održanoj 30.9.2009. godine.

U pritvku dostavljamo Odgovor uz molbu da isti uručite zastupniku.

S poštovanjem,



GENERALNI TAJNIK
Zvonimir Kutleša



BOSNA I HERCEGOVINA
VIJEĆE MINISTARA

Broj: 05-50-3181/09
Sarajevo, 3.12.2009. godine

Husein Nanić, poslanik u Predstavničkom domu Parlamentarne Skupštine Bosne i Hercegovine, na 61. sjednici Predstavničkog doma održanoj 30. 09. 2009. godine, postavio je poslaničko pitanje slijedeće sadržine:

„Da li je Ministarstvo sigurnosti BiH uradilo plan aktivnosti u cilju poboljšanja stanja u oblasti krivičnih djela krađe automobila i kada će o tome informisati Predstavnički dom PS BiH?“

Na postavljeno pitanje, Vijeće ministara Bosne i Hercegovine je na 106. sjednici održanoj 3. 12. 2009. godine, utvrdilo sljedeći *odgovor*:

Ministarstvo sigurnosti BiH, aktom broj: 08-02-04-4-4980-1/09 od 09. 10. 2009. godine, zatražilo je od predsjednika Radne grupe za provedbu akcionog plana na sprečavanju i suzbijanju krivičnih djela u vezi sa motornim vozilima, Damira Veje informaciju koja se odnosi na postavljeno poslaničko pitanje. Aktom broj: 08-02-04-4-4980-2/09 od 28. 10. 2009. godine, je također poslana urgencija po našem dopisu od 09. 10. 2009. godine.

Odgovor, od 02. 11. 2009. godine, koji smo dobili od Agencije za forenzička ispitivanja i vještačenja, u kojoj Damir Vejo obavlja dužnost zamjenika direktora, a koji je pored ovog Ministarstva, upućen i gosp. Huseinu Naniću, radi vašeg upoznavanja dostavljamo u prilogu Odgovora.

Smatramo da će potpuniju sliku u oblasti krađa vozila i preduzimanim aktivnostima po ovoj preblematici, dati podaci iz Izvještaja o radu NCB IP Sarajevo po Liniji rada vozila, sačinjenog za prvih devet mjeseci 2009. godine:

U toku 2009. godine, na liniji rada vozila uspješno je nastavljen rad u borbi protiv svih vidova i oblika kriminala u vezi sa vozilima. U saradnji sa nadležnim policijskim agencijama, tužilaštvima i sudovima, nastavlja se sa svakodnevnim radom na vršenju provjera „sumnjivih“ dokumentacija za vozila i u vezi vozila, svih vidova prevara u vezi vozila (leasing, ren-a-car prevare), kao i kontinuiran rad na borbi protiv i legalne trgovine dijelovima polovnih vozila koja potiču iz krivičnih djela (auto-otpadi, auto-saloni, mehaničarske radnje itd.). U navedenom periodu, evidentan je manji broj predmeta (oduzetih vozila) koji se odnose na vozila za kojim je provjerom u ASF bazi podataka utvrđena pozitivna provjera, što znači da je postupak provjere vozila koja podliježu godišnjem produženju registracije u našoj zemlji okončan. Međutim,

evidentan je porast provjera (predmeta) koje se odnose na priključna vozila, radne mašine, stara vozila sa manjim brojem oznaka u šasiji, gdje u 95% slučajeva, provjera u ASF bazi rezultira pozitivno iz razloga „poklapanja“ brojeva šasija sa drugim vozilima različite marke i tipa, pa čak i namjene, što stvara dodatna nepotrebna opterećenja u našem radu.

Također je i evidentan porast broja provjera (predmeta) dokumentacije za vozila koja potiču iz inostranstva iz razloga jer nadležne policijske agencije i carinski organi u našoj zemlji počinju pridavati više pažnje i dokumentaciji priloženoj uz registraciju (vlasničke knjige, saobraćajne dozvole, računi o kupovini, kupoprodajni ugovori itd.), a ne samo identifikacionim oznakama vozila za koje se direktno može vršiti provjera u Interpolovoj ASF bazi podataka. Obzirom na navedeno, linija rada vozila svakodnevno stoji na usluzi navedenim agencijama s ciljem provjera navoda iz dokumenta, provjera autentičnosti kao i raznih provjera validnosti istih.

Ured Interpola Sarajevo je omogućio direktan pristup bazama podataka INTERPOL-a još jednom korisniku u BiH – Upravi za indirektno oporezivanje, tako da se provjera statusa vozila i dokumentacije za vozila vrši prilikom uvoza vozila u BiH.

U toku 2009. godine, nastavljena je uspješna saradnja sa NCB-ovima zemalja u kojima su smješteni neki od najvećih proizvođača vozila (IP Wiesbaden, Njemačka, posebno), te se tako skoro svakodnevno vrše provjere kako vozila, tako i pojedinih dijelova od vozila, putem kojih se može doći do identifikacionih podataka o vozilu koje je predmet istrage, čime ova linija rada također pruža veliku pomoć struci forenzičkih vještaka i dostavljanjem relevantnih informacija, usmjerava i uveliko pomaže rad na identifikaciji vozila, što se potvrđuje uvidom u neke od izvještaja o izvršenom vještačenju.

Osim direktnog rada u vezi kriminala s vozilima, određeni broj predmeta se odnosi i na vršenje provjera za vlasnike i korisnike vozila (izvršenje KD u kojima su korištena vozila – razbojništva, nanošenje povreda, ubistva itd.), lica koja su upravljala vozilom (saobraćajne nezgode), putnici u vozilima (kontrole na graničnim prelazima), kontrola kretanja vozila i vlasnika vozila (direktna veza sa plavim potjernicama).

Pored svakodnevnog rada po navedenim predmetima, kontinuirano se radi na stalnoj kordinaciji policijskih agencija, tužilaštava i carinskih organa, upućivanjem instruktivnih depeša za postupanje u novonastalim situacijama, kao i s ciljem rješavanja problema koji stvaraju zapreke u svakodnevnom radu.

Službenici linije rada vozila su također u 2009. godini, učestvovali u dvije međunarodne operacije organizovane od strane SECI Centra (Credit Car) i Generalnog Sekretarijata Interpola (SaMBa). U sklopu trodnevne Zajedničke operacije INTERPOL-a pod kodnim imenom SaMBa (Serbia, Montenegro, Bosnia and Herzegovina), koja je organizovana i realizovana na inicijativu našeg Ureda, u Bosni i Hercegovini, Srbiji, Crnoj Gori i Hrvatskoj, službenici navedene linije rada su uz sudjelovanje eksperata u ovoj oblasti iz Generalnog Sekretarijata INTERPOL-a, EUROPOL-a, policije Njemačke, Italije, Španije, te eksperata iz Udruženja osiguravajućih kompanija Skandinavije i Francuske, uz korištenje najsavremenije opreme i svih postojećih međunarodnih baza podataka poduzimali operativne mjere i radnje na terenu, te teorijska znanja uspješno primjenili i u praksi. Nosioci organizacije i realizacije u BiH su bili Ured za saradnju sa Interpolom Sarajevo i Granična policija BiH.

U toku Operacije u BiH detaljno je pregledano i u ASF bazi podataka provjereno ukupno 592 vozila. Od tog broja otkriveno je i oduzeto 8 ukradenih vozila u procijenjenoj vrijednosti od 110.000 EUR-a. Pored toga provjeren je 351 dokument u međunarodnoj bazi podataka ukradenih dokumenata, te više stotina lica u bazama potraga. Rezultati i detaljan izvještaj IPŠG-a o navedenoj operaciji je objavljen i na oficijelnoj zaštićenoj web stranici Interpola (Dashboard). Također, o rezultatima navedene operacije su izvještavali svi bitniji elektronski i printani mediji u BiH. Po završetku operacije, službenicima navedene linije rada je uručen i certifikat Generalnog Sekretarijata Interpola o uspješnom završenom kursu identifikacije ukradenih vozila. Pored postignutih rezultata, uspješno je realizovana praktična obuka pripadnika Granične policije BiH, s ciljem formiranja stalnih mobilnih timova, koji bi u budućnosti samostalno i svakodnevno vršili kontrolu i identifikaciju vozila na graničnim prelazima i u pograničnom pojasu.

Nakon realizacije navedene operacije, pokrenuta je inicijativa za formiranje 25 mobilnih timova, koji bi bili opremljeni laptopima i direktnim pristupom domaćim i međunarodnim bazama podataka, i koji bi bili u mogućnosti vršiti provjere na terenu. Ovaj projekat bi bio finansiran od strane Norveške, kroz twining proces predviđen Akcionim planom. U toku su pripreme zahtjeva Vladi Norveške u saradnji sa MUP-om Republike Srpske i Graničnom policijom, čime bi se mogla realizovati prva faza projekta (formiranje 15 mobilnih timova).

U tekućoj godini, cilj linije rada vozila je uspješan završetak projekta – akcije “Tunel”, koji bi trebao biti realizovan u Sarajevu, u saradnji sa Radnom Grupom INTERPOL-a za borbu protiv auto kriminala, s ciljem vršenja praktične obuke za pripadnike policije Kantona Sarajevo, na identifikaciji vozila sa falsifikovanim identitetom. Tokom navedenog projekta, uz pomoć stranih eksperata i direktnog pristupa bazama proizvođača vozila, cilj bi bio identificirati oduzeta vozila (obzirom da se, prema informacijama MUP-a Kantona Sarajevo, u tunelu na Ciglanama, te ispred Policijskih Uprava nalazi veliki broj zaplijenjenih vozila), kao i vlasnike istih, te ujedno izvršiti praktičnu obuku policijskih službenika na terenu.

Naglašavamo da su sve aktivnosti ove linije rada u našem NCBIP Sarajevo usmjerene na realizaciju smjernica i aktivnosti predviđenih Akcionim planom.

Ovom prilikom napominjemo da smo našim aktom broj: 08-02-5-4454-3 /09 od 12. 10. 2009. godine, Generalnom Sekretarijatu Vijeća ministara BiH, dostavili informaciju u skladu sa 4. zaključkom 55. sjednice Predstavničkog doma PS BiH, koja se odnosi na poboljšanje stanja u oblasti krivičnih djela krađe automobile, a u cilju upoznavanja Predstavničkog doma PS BiH.

Босна и Херцеговина
 Министарство безбједности
 Агенција за форензичка
 испитивања и вјештачења



Bosna i Hercegovina
 Ministarstvo sigurnosti
 Agencija za forenzička
 ispitivanja i vještačenja

Datum: 02.11.2009.godine

01-E

08 MB

3/11/09

PARLAMENTARNA SKUPŠTINA BIH


n/r gosp. Husein Nanić

ZAMJENIK MINISTRA

n/r gosp. Mijo Krešić

SEKRETAR

n/r gosp. Bakir Dautbašić

05-21
MI

PREDMET: Odgovor na upit postavljen od strane uvaženog Poslanika gosp. Huseina Nanića, dostavlja se;-

Povodom Vašeg akta br.08-02-04-4-4980-2/09, te upita postavljenog od strane Huseina Nanića, poslanika u Predstavničkom domu Parlamentarne skupštine BiH postavljenoj na 61. sjednici Predstavničkog doma održanog 30.09.2009.godine.

Kao što Vam je poznato, Vijeće ministara je dana 26.02.2009. godine donijelo rješenje o imenovanju zamjenika direktora Agencije za forenzička ispitivanja i vještačenja na mandat od četiri godine. U više navrata sam obavještavao Ministarstvo sigurnosti o nezakonitom vođenju Agencije od strane Ljiljane Trišić, te nemogućnosti da pošaljem ili zaprimim bilo koji akt, koji se odnosi na rad Agencije ili na preuzete obaveze, dodjeljene od strane Vijeća ministara, kao što je i obaveza nadzora nad implementacijom strategije i izrade plana za borbu protiv auto kriminala.

Obzirom da odgovor na pitanje uvaženog poslanika Huseina Nanića, zahtijeva, sistematsku analizu, održavanje sastanaka i prikupljanje podataka sa terena. Ovim putem vas obavještavam da nisam u stanju adekvatno odgovoriti na navedeno pitanje iz razloga što se službeno nisam mogao obratiti niti jednoj instituciji.

Više puta mi je naznačeno od strane Ljiljane Trišić, da su takve aktivnosti čista obijest, te da direktor Agencije neće nikada dozvoliti da akt takve prirode, bude protokolisan i prosljeđen iz Agencije. O svemu sam u više navrata obavijestio Ministarstvo sigurnosti, te sam zbog nastavka degradacije pozicije zamjenika direktora, uputio informaciju prema Vijeću ministara o nezakonitom i neprofesionalnom ponašanju direktora Agencije Ljiljane Trišić.

Također vas obavještavam da je Strategija i akcioni plan za borbu protiv autokriminala usvojen, te ocijenjen kao akcioni plan sa najvišim stepenom implementacije, kao i polučeni rezultatima. Nažalost nepoštivanje odluka i obaveza donešenih od strane Vijeća ministara, te samoiniciativno ponašanje direktora Agencije Ljiljane Trišić, dovelo je do blokade u radu Radne grupe, te je onemogućen dalji nadzor nad implementacijom Strategije.

S poštovanjem,

ZAMJENIK DIREKTORA

Damir Vejo

Dostaviti;

1x naslovu

1x a/a